

fectam maturitatem perducto, totius Hennebergiae
Oraculum, & Theologum ad aeternam factum, cunctisque
illis dotibus, quae Theologum constituunt, exornant,
hominumque oculis cum admiratione exponunt, ad
stuporem usque instructum ac delibutum. Et VVa-
gnerus, concionem funebrem dicere vix exorsus, sen-
tentias tradit numerales, quae Samuelis Linckii an-
num exhibent emortualem, commemorabiles uti-
que:

Wisset Ihr Denn nit/Daß Den Tag ein Gros-
ser In Israel gesaLLen Ist!

ACH! CeCIDit CapItIs nostrI DILeGta Corona!

VIII.

GABRIEL HARTMANN.

M GABRIEL HARTMANN, Meiningae in-
hanc susceptus est lucem d. 6. Febr. A. 1603.,
Patre Marco Hartmann / Secretario ibidem Consi-
storiali, & Aerarii Henneb. Scholastici, nec non Ho-
spitalis Grimmenthalensis, Administratore, & Ma-
tre Maria, natalibus Kellera. Meiningae in Schola
& Schleusingae in Gymnasio ab A. 1615. ad humani-
tatem informatus, Ienam hinc mittebatur A. 1624.
ad Professores Academicos, ibidemque, editis in
Philosophia & Theologia speciminibus Disputato-
riis, A. 1626. d. 2. Aug. Magister meruit renunciari.
A. 1632. d. 25. Iun. dicti Gymnasii patrii Con-Rector
factus est. A. 1641. d. 10. Mart. Rector, Anno vero 1648.
Pastor Schleus., Superint. & Gymn. Ephorus, in
Consistorio ELECT. & DVCALI, tunc Meiningae
communi adhuc, Assessor, habita, d. 11. Mai., Festo
Ascensionis Domini, concione docimastica. Vitam
Schleu-